



SLUŽBENI GLASNIK OPĆINE TEŠANJ

IZDAVAČ: Općinsko vijeće Tešanj UREĐUJE: Stručni odjel Općine Tel. 032/650-022 Trg Alije Izetbegovića 11, 74260 Tešanj E-mail: optesanj@bih.net.ba	Godina MMXIII - Broj 1 Ponedjeljak, 11.02.2013. god. T E Š A N J	ŠTAMPA: Općina Tešanj Kompjuterska priprema: Stručni odjel Općine "Službeni glasnik" izlazi po potrebi
---	--	--

Povodom povremenih medijskih istupa pojedinaca u vezi sa periodom odbrane 1992-1995. godine, Općinsko vijeće Tešanj d o n o s i

R E Z O L U C I J U o odbrani u periodu 1992-1995. godine

Općina Tešanj je u prvoj polovini 1992. godine prihvatila oko 25.000 osoba prognanih iz Dervente, Doboja, Teslića i sjeveroistočne Bosne. Protjerani su od strane sljedbenika Radovana Karadžića samo zbog toga što nisu bili Srbi. Svi preživjeli iz tog perioda ovo dobro znaju.

Potom je, zajedno sa općinom Maglaj i teritorijom sadašnjih općina Doboj-Jug i Usora, uspostavljena odbrana od progona sa područja općine Tešanj. Cijeli ovaj prostor tokom perioda 1992-1995. godine bio je izložen kontinuiranim agresivnim napadima koji su imali za cilj okupaciju teritorije, rušenje ustavnog poretka zemlje, ubistva i progon stanovništva. Napadi su neprestano bili praćeni granatiranjem, raketiranjem i avionskim bombardovanjem civilnog stanovništva. Uz to, nepunu godinu bili smo u potpunoj neprijateljskoj oružanoj opsadi - kada su i agresivni ataci na linije odbrane i na civilno stanovništvo bili do maksimuma pojačani.

U takvim okolnostima, koje su sa fizičkog i psihičkog stanovišta bile na granici ljudske izdrživosti, civilno rukovodstvo, vojne komande i sigurnosne službe štatile su cjelokupno stanovništvo i sankcionirale svaku pojavu pojedinačnih osveta. To potvrđuje i činjenica da su u organima i institucijama lokalne uprave, u redovima Armije RBiH i u Centru službi bezbjednosti od početka do kraja agresije, pored Bošnjaka, bili i pripadnici drugih naroda, Srbi i Hrvati. Jedinice Armije RBiH i 110. brigade HVO zajedno su branile ovaj prostor.

Općina Tešanj podržava rad državnih institucija na otkrivanju i privođenju ratnih zločinaca. Pozivamo nadležne institucije da poduzmu aktivnosti kako bi konačno bili

identifikovani i adekvatno procesuirani oni koji su odgovorni za avio-granatiranje civila na Tešanjci u kojem je poginulo sedmero djece i dvije stare osobe, zatim civila koji su usmrćeni dok su obavljali žetvu, civila koji su stradali od 44 rakete zemlja-zemlja, civila koji su stradali od kasetnih bombi... Spisak ratnih zločina počinjenih nad civilima sa naše teritorije veoma je dug.

Mi smo ponosni na našu odbranu u svakom njenom aspektu, i duboko smo zabrinuti zato što neko radi na tome da se ta odbrana kompromitira i ocrni.

Općina Tešanj osuđuje svako djelovanje onih kojima je cilj da se žrtva izjednači sa zločincem, da se agresor izjednači sa onima koji su branili svoju domovinu, svoj život i čast.

OPĆINA TEŠANJ OPĆINSKO VIJEĆE

PREDSJEDAVALJUĆI VIJEĆA
Fuad Šišić, dipl.ing.maš. s. r.

Broj: 01-05-5-164-2/13
Datum: 30.01.2013. godine

Na osnovu člana 8. i 13. Zakona o principima lokalne samouprave u Federaciji Bosne i Hercegovine ("Službene novine F BiH" broj: 49/06) i člana 14. Statuta Općine Tešanj („Službeni glasnik Općine Tešanj“, broj: 11/07), Općinsko vijeće Tešanj na svojoj 4. Sjednici održanoj dana 31.01.2013. godine, donijelo je:

O D L U K U **usvajanje Akcionog plana jačanja socijalne zaštite i inkluzije djece općine Tešanj za 2013-2014 godinu**

Član 1.

Usvaja se Akcioni plana jačanja socijalne zaštite i inkluzije djece općine Tešanj za 2013-2014 godinu, kreiran od strane Komisije za jačanje socijalne

zaštite i inkluzije djece općine Tešanj u periodu implementacije programa „Jačanje sistema socijalne zaštite i inkluzije za djecu (SPIS program).

Član 2.

Sredstva potrebna za realizaciju Akcionog plana bit će obezbijedena kroz projekte iz budžeta općine Tešanj, te po mogućnosti i iz drugih izvora.

Član 3.

Zadužuje se Komisija za jačanje socijalne zaštite i inkluzije djece općine Tešanj da dva puta godišnje izvjesti općinskog Načelnika o stepenu implementacije Akcionog plana, a općinski Načelnik jednom godišnje da izvjesti Općinsko vijeće.

Član 4.

Ova Odluka stupa na snagu narednog dana od dana objavljivanja u „Službenom glasniku Općine Tešanj“.

OPĆINA TEŠANJ OPĆINSKO VIJEĆE

PREDSJEDAVAJUĆI VIJEĆA Fuad Šišić, dipl.ing.maš. s. r.

Broj: 08-35-1-4344/11
Datum: 04.02.2013. godine

Općinsko vijeće Tešanj na svojoj 4. Sjednici održanoj dana 31.01.2013. godine, razmatrajući Nacrt Odluke o usvajanju Strategije razvoja općine Tešanj 2018, donijelo je

Z A K L J U Č A K

Usvaja se Nacrt Odluke o usvajanju Strategije razvoja općine Tešanj 2018 i upućuje na javnu raspravu u trajanju od 45 dana.

OPĆINA TEŠANJ OPĆINSKO VIJEĆE

PREDSJEDAVAJUĆI VIJEĆA Fuad Šišić, dipl.ing.maš. s. r.

Broj: 01-49-2-140-2/13
Datum: 05.02.2013. godine

Općinsko vijeće Tešanj na svojoj 4. sjednici održanoj dana 30.01.2013. godine, razmatrajući Izvještaj o radu Općinskog vijeća Tešanj za 2012.godinu, donijelo je

Z A K L J U Č A K

Dostaviti kvartalne informacije Vijeću o stepenu realizacije akata Vijeća iz prethodnog perioda.

OPĆINA TEŠANJ OPĆINSKO VIJEĆE

PREDSJEDAVAJUĆI VIJEĆA Fuad Šišić, dipl.ing.maš. s. r.

Broj: 01-49-2-104-3/13
Datum: 31.01.2013. godine

Općinsko vijeće Tešanj na svojoj 4. sjednici održanoj dana 30.01.2013. godine, razmatrajući Izvještaj o radu Općinskog vijeća Tešanj za 2012.godinu, donijelo je

Z A K L J U Č A K

Usvaja se Izvještaj o radu Općinskog vijeća Tešanj za 2012.godinu.

OPĆINA TEŠANJ OPĆINSKO VIJEĆE

PREDSJEDAVAJUĆI VIJEĆA Fuad Šišić, dipl.ing.maš. s. r.

Broj: 01-49-2-608-4/13
Datum: 31.01.2013. godine

Općinsko vijeće Tešanj na svojoj 4. sjednici održanoj dana 30.01.2013. godine, razmatrajući Informaciju o stanju bezbjednosti na području općine Tešanj za 2012.godinu, donijelo je

Z A K L J U Č A K

Općinsko vijeće poziva Ministarstvo unutrašnjih poslova Zeničko-dobojskog kantona da obrati veću pažnju na kadrovsku popunu, osposobljavanje i opremanje Policijske upravu IV Tešanj kako bi se ojačali kapaciteti za borbu protiv svih vidova ugrožavanja bezbjednosti građana.

OPĆINA TEŠANJ OPĆINSKO VIJEĆE

PREDSJEDAVAJUĆI VIJEĆA Fuad Šišić, dipl.ing.maš. s. r.

Broj: 01-05-5-164-4/13
Datum: 31.01.2013.godine

Općinsko vijeće Tešanj na svojoj 4. sjednici održanoj dana 30.01.2013. godine, razmatrajući Informaciju o stanju bezbjednosti na području općine Tešanj za 2012.godinu, donijelo je

Z A K L J U Č A K

Općinsko vijeće zadužuje Općinskog načelnika da pripremi izmjenu i dopunu Odluke o bezbjednosti saobraćaja, sa ciljem da se dio sredstava od prekršajnih kazni po ovom osnovu raspodijeli za potrebe bezbjednosti građana na ovom području.

**OPĆINA TEŠANJ
OPĆINSKO VIJEĆE**

**PREDSJEDAVAJUĆI VIJEĆA
Fuad Šišić, dipl.ing.maš. s. r.**

Broj: 01-05-5-164-5/13

Datum: 31.01.2013.godine

Općinsko vijeće Tešanj na svojoj 4. sjednici održanoj dana 30.01.2013. godine, razmatrajući Informaciju o stanju bezbjednosti na području općine Tešanj za 2012.godinu, donijelo je

Z A K L J U Č A K

Prima se na znanje Informacija o stanju bezbjednosti na području općine Tešanj za 2012.godinu.

**OPĆINA TEŠANJ
OPĆINSKO VIJEĆE**

**PREDSJEDAVAJUĆI VIJEĆA
Fuad Šišić, dipl.ing.maš. s. r.**

Broj: 01-05-5-164-6/13

Datum: 31.01.2013.godine

Općinsko vijeće Tešanj na svojoj 4. sjednici održanoj dana 30.01.2013. godine, razmatrajući Informaciju o izvršenom deminiranju, trajnom obilježavanju minskih polja i uklanjanju NUS-A u 2012.godini na području općine Tešanj, donijelo je

Z A K L J U Č A K

Prima se na znanje Informacija o izvršenom deminiranju, trajnom obilježavanju minskih polja i uklanjanju NUS-A u 2012.godini na području općine Tešanj.

**OPĆINA TEŠANJ
OPĆINSKO VIJEĆE**

**PREDSJEDAVAJUĆI VIJEĆA
Fuad Šišić, dipl.ing.maš. s. r.**

Broj: 01-44-2-5-4/13

Datum:31.01.2013.godine

Općinsko vijeće Tešanj na svojoj 4. sjednici održanoj dana 30.01.2013. godine, razmatrajući Informaciju o stanju u poljoprivredi i realizaciji Programa novčanih poticaja u 2012. godini., donijelo je

Z A K L J U Č A K

Prima se na znanje Informacija o stanju u poljoprivredi i realizaciji Programa novčanih poticaja u 2012. godini.

**OPĆINA TEŠANJ
OPĆINSKO VIJEĆE**

**PREDSJEDAVAJUĆI VIJEĆA
Fuad Šišić, dipl.ing.maš. s. r.**

Broj: 01-24-5-79-2/13

Datum:31.01.2013.godine

Općinsko vijeće Tešanj na svojoj 4. sjednici održanoj dana 30.01.2013. godine, razmatrajući materijale o imenovanju zamjenika predsjedavajućeg Vijeća, koje je uradila Komisija za izbor i imenovanje Općinskog vijeća Tešanj, donijelo je

Z A K L J U Č A K

Da Komisija za izbor i imenovanje ponovo razmotri prijedlog za zamjenika predsjedavajućeg Općinskog vijeća i omogući političkim strankama da dostave dodatne prijedloge.

**OPĆINA TEŠANJ
OPĆINSKO VIJEĆE**

**PREDSJEDAVAJUĆI VIJEĆA
Fuad Šišić, dipl.ing.maš. s. r.**

Broj: 01-49-2-3496-2/12

Datum:31.01.2013.godine

Na osnovu Odluke o izvršenju Budžeta Općine Tešanj za 2013. godinu («Službeni glasnik Općine Tešanj» broj: 10/12), Općinski načelnik donosi

O D L U K U

**O KRITERIJIMA ZA DODJELU SREDSTAVA
ZA SUFINANSIRANJE IZRADE
I ODBRANE MAGISTARSKIH RADOVA I
DOKTORSKIH DISERTACIJA**

Član 1.

Ovom odlukom utvrđuju se kriteriji za dodjelu sredstava za sufinansiranje izrade i odbrane magistarskih radova i doktorskih disertacija, te prava i obaveze korisnika.

Član 2.

Sredstva za sufinansiranje izrade i odbrane magistarskih radova i doktorskih disertacija izdvajaju se sa namjenske pozicije iz budžeta Općine Tešanj. Broj i iznos pojedinačno dodijeljenih sredstava za kandidate koji su stekli naučna zvanja magistra odnosno doktora nauka za svaku kalendarsku godinu utvrđuje i predlaže Služba za društvene djelatnosti, komunalne poslove i ekologiju u skladu sa raspoloživim namjenskim budžetskim sredstvima i kriterijima koji su sastavni dio ove odluke.

Član 3.

Pravo podnošenja zahtjeva imaju lica koja su stekla naučno zvanje magistra odnosno doktora nauka u godini za koju se sredstva dodjeljuju i koji ispunjavaju slijedeće uslove:

1. magistri nauka

opći uslovi: da imaju prebivalište na području općine Tešanj.

posebni uslovi: da su okončali studij za sticanje zvanja magistra nauka po predbolonjskom modelu studiranja ili da su okončali studij za sticanje zvanja magistra nauka po bolonjskom modelu; tj. da su položili sve ispite i u fazi su izrade i odbrane magistarskog rada.

2. doktori nauka

opći uslovi: da imaju prebivalište na području općine Tešanj.

posebni uslovi: da imaju objavljene radove u nekom od referentnih časopisa koji prate relevantne međunarodne baze podataka za odgovarajuću naučnu oblast.

Član 4.

Uz Zahtjev za sufinansiranje izrade i odbrane magistarskih radova i doktorskih disertacija koji treba da sadrži: naziv i adresu organa kojem se zahtjev podnosi, opće i posebne uslove, potrebno je dostaviti slijedeće dokumente:

- fotokopiju lične karte,
- uvjerenje o prebivalištu
- uvjerenje da je prihvaćen magistarski rad ili doktorska disertacija sa terminom odbrane.

Član 5.

Iznos pojedinačno dodijeljenih sredstava podnosiocima zahtjeva ovisit će o broju podnijetih zahtjeva koji ispunjavaju uslove, kao i visine sredstava osiguranih u Budžetu općine Tešanj za ovu namjenu.

Član 6.

Pravo na dodjelu sredstava ne mogu ostvariti podnosioci zahtjeva koji su već ostvarili pravo na sufinansiranje izrade i odbrane magistarskih radova i

doktorskih disertacija od javnog sektora (općine, Kantona, FBiH, BiH, fondova, ministarstava i javnih preduzeća) ili su oslobođeni predmetnih troškova od strane visokoškolske ustanove na kojoj su stekli to zvanje.

Član 7.

Isplata sredstava će se vršiti na osnovu Rješenja o dodjeli sredstava jednokratno putem tekućih računa.

Član 8.

Odluka stupa na snagu danom donošenja i objavit će se u «Službenom glasniku Općine Tešanj».

**OPĆINA TEŠANJ
OPĆINSKO VIJEĆE****OPĆINSKI NAČELNIK
Suad Huskić mr. sci. s.r.**

Broj: 03-02-1-187/13

Datum: 24.01.2013. godine

Na osnovu člana 33. stav 1. Zakona o državnoj službi u Federaciji BiH ("Službene novine Federacije BiH", broj 29/03, 23/04, 39/04, 54/04, 67/05, 8/06 i 4/12), a u vezi sa članom 1. i 2. Zakona o preuzimanju zakona o državnoj službi u Federaciji BiH („Službene novine Zeničko-dobojskog kantona“ broj 3/12), člana 34 stav 1. Zakona o namještenicima u organima državne službe u Federaciji BiH ("Službene novine Federacije BiH" broj 49/05), člana 1. Pravilnika o ocjenjivanju rada državnih službenika u organima državne službe u Federaciji BiH ("Službene novine Federacije BiH" br 34/07) i člana 30 Statuta Općine Tešanj ("Službeni glasnik općine Tešanj" broj 11/07) Općinski načelnik donosi

**P R A V I L N I K
o ocjenjivanju rada državnih službenika i
namještenika u Općini Tešanj****I OPĆE ODREDBE****Član 1.**

Ovim pravilnikom utvrđuju se pravila, način i kriteriji ocjenjivanja rada državnih službenika i namještenika (u daljem tekstu uposlenika) u organu uprave Općine Tešanj.

Član 2.

Ocjenjivanje rada uposlenika vrši se u cilju kvalitetnog i profesionalnog obavljanja poslova i radnih zadataka kao i podsticaja uposlenika da konstantno unapređuju svoja stručna znanja i vještine radi zadržavanja statusa državnog službenika i namještenika i sticanje preduvjeta za nagrađivanje i napredovanje u

organu uprave, na obrascima koji se nalaze u prilogu ovog pravilnika i čine njegov sastavni dio.

Član 3.

Ocjena rada uposlenika zasniva se na rezultatima postignutim u realizaciji poslova predviđenih opisom radnog mjesta iz Pravilnika o organizaciji i sistematizaciji i ispunjenju profesionalnih ciljeva koje će za vremenski period ocjenjivanja utvrdi neposredni nadređeni državni službenik.

Član 4.

Uposlenik se ocjenjuje u skladu sa kriterijima svrstanim u dvije grupe, i to, kao opći i posebni kriteriji.

Opći kriteriji obuhvataju:

- a) nezavisnost u radu (sposobnost da se posao obavlja uz minimalan nadzor pretpostavljenog);
- b) odnos prema poslu (prisutnost na poslu, poštivanje radnog vremena, odgovornost, dosljednost u radu, odnos prema kolegama);
- c) stvaralačke sposobnosti i inicijative (sposobnost iznalaženja rješenja i davanja ideja kojima se unapređuju radni procesi);
- d) odnos prema drugima u obavljanju službe i vještine komunikacije (sposobnost skladne usmene i pismene interakcije državnog službenika sa kolegama i strankama prilikom obavljanja poslova. Vještina komunikacije ogleda se i kroz posjedovanje i ispoljavanje entuzijazma i pozitivne energije, takta i samokontrole, kao i kroz razvijenost osjećaja za timski rad i pripadnost organizaciji);
- e) spremnost prilagođavanja promjenama (u odnosu na uvođenje novih praksi u radu; također, podrazumijeva i kontinuirano profesionalno usavršavanje i primjenu stečenih znanja);
- f) dodatni kriterij (opcionalno).

Posebni kriteriji se odnose na stepen ispunjenja radnih ciljeva uposlenika i pokazuju u kolikoj mjeri je uposlenik kvalitetno, tačno i precizno ispunio utvrđene radne ciljeve u definisanim vremenskim rokovima

III. NAČIN OCJENJIVANJA

Član 5.

Radni učinak uposlenika ocjenjuje se najmanje svakih 12 mjeseci, i to najkasnije u roku od 30 dana poslije isteka perioda za koji se ocjenjuje.

Član 6.

Uposlenici koji su u kalendarskoj godini radili manje od šest mjeseci neće se ocjenjivati, bez obzira na razloge.

Član 7.

Ocjene se dodjeljuju na skali od 1. do 4. bez obzira na to da li se radi o ocjeni stepena ispunjenja radnih ciljeva ili ocjeni po općim kriterijima.

Ocjena stepena ispunjenja radnih ciljeva predstavlja zbir ocjena za svaki pojedinačni cilj podijeljen sa brojem postavljenih ciljeva.

Ocjena po općim kriterijima predstavlja zbir ocjena po općim kriterijima podijeljen sa ukupnim brojem kriterija.

Konačna ocjena radnog učinka uposlenika utvrđuje se na način da se saberu ocjene iz stav 2. i 3. ovog člana, a onda se dobijeni zbir podijeli sa dva.

Konačna ocjena radnog učinka iskazuje se i opisno i to u skladu sa sljedećom skalom:

- a) "nezadovoljava " (manje od 1.50);
- b) "zadovoljava " (1.50 - 2.49);
- c) "uspješan" (2.50 - 3.49);
3. "izuzetno uspješan" (3.5 i više).

IV POSTUPAK PRAĆENJA UČINKOVITOSTI I OCJENJIVANJA

Član 8.

Uposleniku se utvrđuju radni ciljevi za period ocjenjivanja utvrđen ovim Pravilnikom. Radni ciljevi proizlaze iz opisa i svrhe radnog mjesta. Radne ciljeve uposlenika utvrđuje neposredno nadređeni državni službenik. Radne ciljeve uposlenike koji je na probnom radu utvrđuje neposredno nadređeni koji je mentor koji je dužan da uposleniku objasni šta se od njega očekuje u okviru svakog utvrđenog radnog cilja. Radni ciljevi za naredni period ocjenjivanja utvrđuju se tokom razgovora o ocjenjivanju za prethodni period ocjenjivanja.

Član 9.

Neposredno nadređeni državni službenik u toku perioda za ocjenjivanje dužan je da:

- A) stalno nadgleda rad uposlenika i sakuplja podatke o tome koliko je uposlenik uspješan u radu, uzimajući u obzir prirodu poslova, radne uslove i stepen iskustva uposlenika;
- B) dokumentuje rad uposlenika u periodu za ocjenjivanje tako što zapisuje i komentariše bitne primjere i dokaze o tome kako je uposlenika radio.

Član 10.

Ocjenjivanje rada uposlenika vrši se u toku razgovora sa uposlenikom na obrascu koji je sastavni dio ovog pravilnika. Razgovor sa uposlenikom obavlja se u atmosferi otvorenog dijaloga između uposlenika i njegovog neposredno nadređenog koji obavlja ocjenjivanje. Razgovor treba da traje do 30 minuta i tom prilikom uposlenik iznosi mišljenje o ispunjenju utvrđenih radnih ciljeva, a zatim neposredno nadređeni iznosi i obrazlaže svoje mišljenje o radu uposlenika i prijedlog ocjene.

Član 11.

O konačnoj ocjeni rada uposlenika Općinski načelnik donosi rješenje. Ocjene "izuzetno uspješan" i "nezadovoljava" moraju biti posebno obrazložene i potkrijepljene činjenicama i dokazima.

Protiv rješenja iz stava 1. ovog člana uposlenik može izjaviti žalbu Odboru državne službe za žalbe Federacije Bosne i Hercegovine u roku od osam dana od prijema rješenja.

Član 12.

Uposlenik koji je ocijenjen ocjenom 'ne zadovoljava' dužan je proći kroz proceduru vanrednog ocjenjivanja u trajanju od tri mjeseca, počevši od dana kada je redovna ocjena postala konačna. Vanredno ocjenjivanje se radi po istom principu kao i redovno s tim što se broj i zahtjevnost postavljenih ciljeva treba prilagoditi dužini perioda (tri mjeseca) unutar koga se prati i ocjenjuje učinkovitost uposlenika.

Neposredno nadređeni je dužan da po izricanju ocjene 'ne zadovoljava' predloži mjere i aktivnosti koje smatra primjerenim kako bi uposlenik bio u stanju da u periodu vanrednog ocjenjivanja popravi učinkovitost u radu.

Uposleniku koji i za period vanrednog ocjenjivanja dobije ocjenu 'ne zadovoljava' izriče se mjera prestanka radnog odnosa.

Član 13.

U skladu sa članom 32. Zakona o državnoj službi i članom 28. Zakona o namještenicima, uposlenik koji prolazi kroz period probnog rada također mora biti ocijenjen. Konačna ocjena za uposlenike na probnom radu utvrđuje se u skladu sa odredbama ovog pravilnika.

Uposleniku, koji u toku probnog perioda ne zadovolji minimum očekivanja, izriče se ocjena "ne zadovoljava" i na taj način prestaje radni odnos. Za uposlenike koji u toku probnog perioda dobiju bilo koju od preostale tri ocjene ("zadovoljava", "uspješan" ili "izuzetno uspješan") smatra se da su uspješno završili probni rad.

V PRIJELAZNE I ZAVRŠNE ODREDBE**Član 14.**

Ocjenjivanje rada uposlenika za 2013. godinu vršit će se u skladu sa odredbama ovog pravilnika.

Član 15.

Danom početka primjene ovog pravilnika prestaje da važi Pravilnik o ocjenjivanju rada državnih službenika i namještenika u općinskom organu uprave Općine Tešanj broj 02-34-1-211/08 od 18.02.2008. godine ("Službeni glasnik Općine Tešanj" broj 2/08).

Član 16.

Ovaj pravilnik stupa na snagu narednog dana od dana objavljivanja u "Službenom glasniku Općine Tešanj".

**OPĆINA TEŠANJ
OPĆINSKO VIJEĆE****OPĆINSKI NAČELNIK
Suad Huskić sr.****Broj: 02-02-1-3788/12****Datum: 21.01.2013. godine**

Na osnovu člana 30. Statuta Općine Tešanj („Službeni glasnik Općine Tešanj“ broj 11/07) Općinski načelnik, donosi

RJEŠENJE**o imenovanju komisije****I**

Imenuje se komisija u sastavu:

1. Brkić Arijana, predsjednik
2. Ristić Dejan, član
3. Bećarević Enes, član
4. Turkić Tamara, član
5. Mujčić Amina, član

II

Zadatak komisije je da:

- izvršiti identifikaciju i inventarizaciju imovine kojom raspolaže sadašnja zemljiornađnička zadruga Jelah osnovana od strane fizičkih lica te utvrditi šta su zadrugari (dioničari) od toga unijeli kao svoja sredstva a šta je od toga državna svojina iz bivše državne zemljiornađničke zadruge kao i da identifikuje ostalu imovinu kojom ne raspolaže zemljiornađnička zadruga osnovana od strane fizičkih lica, a u zemljišnim evidencijama se vodi na bivšoj državnoj zemljiornađničkoj zadruzi ili na pravnim subjektima kao pravnim prednicima državne zemljiornađničke zadruge,

- pripremi tekst Odluke prema Općinskom vijeću kojom će prava korištenja na imovini i imovinu iz stava 1. ovog člana prenijeti na općinu Tešanj, odnosno izbrisati prava korištenja dosadašnjih korisnika u zemljišnim evidencijama na nekretninama iz stava 1. ovog člana i uknjižiti pravo korištenja na Općinu Tešanj.

III

Komisija je dužna da izvrši obaveze iz stava 1. člana II. i dostavi izvještaj Općinskom načelniku do 28.02.2013.godine, a obaveze iz stava 2. člana II., ove Odluke do 14.03.2013.godine.

IV

Ovo Rješenje se primjenjuje danom donošenja a objavit će se u „Službenom glasniku Općine Tešanj“.

**OPĆINA TEŠANJ
OPĆINSKO VIJEĆE**

**OPĆINSKI NAČELNIK
Suad Huskić mr.sci. s.r.**

Broj:02-31-7-199/13.

Datum:28.01.2013.g.

Na osnovu člana 30. Statuta Općine Tešanj ("Službeni glasnik Općine Tešanj", broj: 11/07), Općinski načelnik donosi

RJEŠENJE

o imenovanju komisije

I

Imenujem komisiju u sljedećem sastavu:

- 1) Hamzaliya Hojkurić, predsjedavajući komisije,
- 2) Mirnes Dedukić, član komisije,
- 3) Samir Brka, član komisije,
- 4) Jasmin Salibašić, član komisije i
- 5) Sajda Klepić, član komisije.

II

Zadatak članova navedene komisije je da:

- izvrše analizu primjene važećih propisa koji regulišu primanja uposlenih u organu uprave,
- daju prijedlog mogućih poboljšanja,
- izvrše usklađivanje općinskog Pravilnika sa novim zakonskim rješenjima,
- utvrde platne razrede i koeficijente za državne službenike i namještenike, te
- prijedloge istih dostave Općinskom načelniku na verifikaciju – usvajanje.

III

Rok za izmjenu Pravilnika i utvrđivanje platnih razreda i koeficijenata za državne službenike i namještenike je 90 dana.

IV

Rješenje stupa na snagu danom donošenja i objavit će se u "Službenom glasniku Općine Tešanj".

**OPĆINA TEŠANJ
OPĆINSKO VIJEĆE**

**OPĆINSKI NAČELNIK
Suad Huskić mr.sci. s.r.**

Broj: 02-14-7-126-2/13

Datum: 23.01.2013. godine

Na osnovu podnesenog zahtjeva od 28.01.2013. godine, člana 10. stav 4. Zakona o udruženjima i fondacijama Federacije BiH ("Službene novine Federacije BiH" broj 45/02) i člana 30. Statuta Općine Tešanj ("Službeni glasnik Općine Tešanj" broj 11/07) Općinski načelnik donosi

RJEŠENJE

o odobrenju za korištenje naziva općine Tešanj

I

Odobrava se korištenje naziva općine Tešanj u naziv udruženja kao što je predloženo u zahtjevu "Vijeće mladih općine Tešanj".

II

Odobrenje se izdaje za potrebe registracije navedenog udruženja kod nadležnog ministarstva za pravosuđe i upravu.

III

Ovo rješenja stupa na snagu danom donošenja a objavit će se u "Službenom glasniku Općine Tešanj".

**OPĆINA TEŠANJ
OPĆINSKO VIJEĆE**

**OPĆINSKI NAČELNIK
Suad Huskić mr.sci. s.r.**

Broj: 02-49-2-131/13

Datum: 28.01.2013. godine

Na osnovu člana 9. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“ broj 34/03) i člana 30. Statuta Općine Tešanj ("Službeni glasnik Općine Tešanj" broj 11/07) Općinski načelnik donosi

RJEŠENJE

o imenovanju komisije za provođenje procedure izbora Nadzornog odbora "TRA"

I

Imenuje se komisija u sljedećem sastavu:

1. Hamzaliya Hojkurić, predsjedavajući
2. Senad Subašić, član
3. Haris Jašić, član
4. Azra Muslija, član
5. Venan Hadžiselimović, član.

II

Komisija je dužna da u skladu sa Zakonom o ministarskim, vladinim i drugim imenovanjima Federacije BiH („Službene novine Federacije BiH“ broj 34/03) pregleda prijave po raspisanom Javnom oglasu broj 02-34-5-113/13 od 24.01.2013. godine, sastavi listu kandidata koji ne ispunjavaju i listu kandidata koji

ispunjavaju kriterije za imenovanje (lista uspješnih), provodi intervju sa kandidatima koji se budu nalazili na listi uspješnih, a nakon intervjua i na osnovu potpunosti dokumentovanih odluka svakog člana komisije, putem pisane preporuke predloži rang-listu.

III

Naknadu za rad Komisije odredit će Općinski načelnik u skladu sa naknadama za rad komisija, a po osnovu izvještaja o radu Komisije.

IV

Kao odgovorni službenik imenuje se Mirnes Dedukić.

V

Ovo rješenje stupa na snagu danom donošenja i objavit će se u "Službenom glasniku Općine Tešanj".

OPĆINA TEŠANJ OPĆINSKO VIJEĆE

OPĆINSKI NAČELNIK
Suad Huskić mr.sci. s.r.

Broj: 02-34-113-2/13

Datum: 24.01.2013. godine

Na osnovu člana člana 30. i 56. stav 2. Statuta općine Tešanj ("Službeni glasnik Općine Tešanj" broj 11/07) Općinski načelnik donosi:

RJEŠENJE

O imenovanju predsjednika Savjeta MZ Kalošević

I

Imenuje se Bobarić (Muharem) Fahrudin za predsjednika Savjeta MZ Kalošević

II

Mandat imenovanog predsjednika Savjeta traje četiri godine od dana imenovanja a prestaje istekom mandata.

III

Rješenje se donosi na osnovu statutarno provedene procedure i prijedloga Savjeta mjesne zajednica Kalošević.

IV

Ovo rješenje stupa na snagu danom donošenja i objavit će se u "Službenom glasniku općine Tešanj", stupanjem na snagu ovog rješenja stavlja se van snage prethodno rješenje o imenovanju predsjednika Savjeta MZ Kalošević.

Obrazloženje:

Savjet mjesne zajednice Kalošević je na osnovu člana 56. stav 1. Statutu općine Tešanj ("Službeni glasnik

Općine Tešanj" broj 11/07) provela proceduru izbora predsjednika Savjeta mjesne zajednice. Na osnovu provedene procedure Općinski načelnik donosi konačno rješenje o imenovanju predsjednika Savjeta.

OPĆINA TEŠANJ OPĆINSKO VIJEĆE

OPĆINSKI NAČELNIK
Suad Huskić mr.sci. s.r.

Broj: 03-05-3-3560-81/12.

Datum: 07.02.2013. godine

Na osnovu člana člana 30. i 56. stav 2. Statuta općine Tešanj ("Službeni glasnik Općine Tešanj" broj 11/07) Općinski načelnik donosi:

RJEŠENJE

O imenovanju predsjednika Savjeta MZ Vukovo

I

Imenuje se Fejzić (Fadil) Suljo za predsjednika Savjeta MZ Vukovo.

II

Mandat imenovanog predsjednika Savjeta traje četiri godine od dana imenovanja a prestaje istekom mandata.

III

Rješenje se donosi na osnovu statutarno provedene procedure i prijedloga Savjeta mjesne zajednica Vukovo.

IV

Ovo rješenje stupa na snagu danom donošenja i objavit će se u "Službenom glasniku općine Tešanj", stupanjem na snagu ovog rješenja stavlja se van snage prethodno rješenje o imenovanju predsjednika Savjeta MZ Vukovo.

Obrazloženje:

Savjet mjesne zajednice Vukovo je na osnovu člana 56. stav 1. Statutu općine Tešanj ("Službeni glasnik Općine Tešanj" broj 11/07) provela proceduru izbora predsjednika Savjeta mjesne zajednice. Na osnovu provedene procedure Općinski načelnik donosi konačno rješenje o imenovanju predsjednika Savjeta.

OPĆINA TEŠANJ OPĆINSKO VIJEĆE

OPĆINSKI NAČELNIK
Suad Huskić mr.sci. s.r.

Broj: 03-05-3-3560-75/12.

Datum: 29.01.2013. godine

S A D R Ź A J

AKTI OPĆINSKOG VIJEĆA

	Strana
1. Rezolucija o odbrani u periodu 1992-1995. godine.....	1
2. Odluka o usvajanju Akcionog plana jačanja socijalne zaštite i inkluzije djece općine Tešanj za 2013-2014 godinu.....	1
3. Zaključak - Usvaja se Nacrt Odluke o usvajanju Strategije razvoja općine Tešanj 2018.....	2
4. Zaključak - Dostaviti kvartalne informacije Vijeću o stepenu realizacije akata Vijeća iz prethodnog perioda.....	2
5. Zaključak - Usvaja se Izvještaj o radu Općinskog vijeća Tešanj za 2012.godinu.....	2
6. Zaključak kojim se poziva MUP ZDKda obrati veću pažnju na kadrovsku popunu, osposobljavanje i opremanje PU IV.....	2
7. Zaključak kojim Vijeće zadužuje Općinskog načelnika da pripremi izmjenu i dopunu Odluke o bezbjednosti saobraćaja.....	2
8. Zaključak - Prima se na znanje Informacija o stanju bezbjednosti na području općine Tešanj za 2012. godinu.....	3
9. Zaključak - Prima se na znanje Informacija o izvršenom deminiranju, trajnom obilježavanju minskih polja i uklanjanju NUS-A u 2012. godini na području općine Tešanj.....	3
10. Zaključak - Prima se na znanje Informacija o stanju u poljoprivredi i realizaciji Programa novčanih poticaja u 2012. godini.....	3
11. Zaključak - Da Komisija za izbor i imenovanje ponovo razmotri prijedlog za zamjenika predsjedavajućeg Vijeća.....	3

AKTI OPĆINSKOG NAČELNIKA

1. Odluka o kriterijima za dodjelu sredstava za sufinansiranje izrade i obrane magistarskih radova i doktorskih disertacija.....	3
2. Pravilnik o ocjenjivanju rada državnih službenika i namještenika u Općini Tešanj.....	4
3. Rješenje o imenovanju komisije za identifikaciju i inventarizaciju imovine kojom raspolaže sadašnja Zemljoradnička zadruga Jelah.....	6
4. Rješenje o imenovanju komisije za izmjenu Pravilnika i utvrđivanje platnih razreda i koeficijenata za državne službenike i namještenike.....	7
5. Rješenje o odobrenju za korištenje naziva općine Tešanj – Vijeću mladih općine Tešanj.....	7
6. Rješenje o imenovanju komisije za provođenje procedure izbora Nadzornog odbora “TRA”.....	7
7. Rješenje o imenovanju predsjednika Savjeta MZ Kalošević.....	8
8. Rješenje o imenovanju predsjednika Savjeta MZ Vukovo.....	8

